

## STATUTI

### I SHOQËRISË TREGTARE "MEA Technology" Shpk

Shoqëria " MEA Technology "themelohet sot në datën 13.04.2021 në përputhje me Aktin e saj të Themelimit dhe përbëhet nga ortaku i mëposhtëm:

Enea Arapi , me atësi Edmond dhe amesi Valbona , dtl. 07/04/1997 lindur ne Tirane dhe banues,në Tiranë Rruga " Njazi Meka "madhor, me zotësi të plotë juridike dhe për të vepruar

#### **I.DISPOZITA TE PERGJITHSHME**

Shoqëria Tregtare " MEA Technology ", (shoqëri me përgjegjësi të kufizuar) rregullon pozitën e saj juridike, marrëdhëniet ndërmjet ortakëve, funksionimin dhe kompetencat e organeve të saj,llojin e shoqërise , kohëzgjatjen e veprimtarisë se saj, marrëdhëniet me të punësuarit, duke u bazuar në ligjin Nr. 9901, datë 14.04.2008 "Për Tregtarët dhe Shoqëritë Tregtare", dhe dispozitat e tjera të legjislacionit shqiptar në fuqi që rregullojnë marrëdhëniet e Shoqërive Tregtare.

#### **NENI 1**

#### **Objekti i veprimtarise**

1.1 Shoqëria ka si objekt veprimtaritë që vijojnë më poshtë:

Konsulencë tregtare dhe organizative në të gjitha format dhe në të gjithë sektorët e aktiviteteve brenda dhe jashtë vendit; projektim dhe realizim të programeve formuese dhe të zhvillimit të burimeve njerëzore; promovimi i aktiviteteve me karakter publicitar; projektimi dhe realizimi i fushatave publicitare dhe promovuese nëpërmjet shfrytëzimit të të gjitha instrumentave, përfshirë marketingun telefonik dhe instrumentave të tjera të marketingut të drejtperdrejte; shërbime marketingu brenda dhe jashtë territorit të Republikës së Shqipërisë nepermjet telefonit dhe internetit; projektimi dhe realizimi i fushatave publicitare dhe promovuese nepermjet shfrytezimit te te gjitha instrumentave, perfshire marketingun telefonik dhe instrumenta te tjera te marketingut nepermjet internetit;

1.2 Shoqëria ka të drejtë të ushtrojë çfarëdolloj veprimtarie tjetër të lejuar nga ligji dhe në përputhje me rregullat në fuqi.



**NENI 2**  
**Emri dhe selia e Shoqërisë**

Shoqëria është Person Juridik Privat.

Shoqëria do të paraqitet në qarkullimin tregtar me emertimin e saj " MEA Technology "(shoqëri me përgjegjësi të kufizuar).

Selia e Shoqërisë ndodhet në adresën Rruga " Rruga "Abdyl Frasheri", Hyrja 1, Apartamenti 16, Hekla Center Tirane

Shoqëria tregtare "MEA Technology" mund të hapë degë të saj ose zyra përfaqësimi brenda ose jashtë vendit.

**NENI 3**  
**Kohezgjatja e Shoqërisë**

3.1 Shoqëria do të ketë një kohezgjatje të pakufizuar.

**NENI 4**  
**Regjimi Juridik i Shoqërisë**

4.1 Shoqëria udhëhiqet nga parimet e ekonomisë së tregut dhe ka për qëllim fitimin. Ajo respekton parimin e reciprocitetit.

Ajo është një shoqëri me përgjegjësi të kufizuar (Sh.p.k.). Veprimtaria e saj i nënshtrohet dispozitave të Aktit të Themelimit, Statutit, si dhe dispozitave të legjislacionit tregtar e atij civil në fuqi. Me vendim të Asamblesë së Ortakëve (Ortaku i Vetëm), Shoqëria mundet që të ndryshojë regjimin juridik të saj në përputhje me dispozitat ligjore që do të jenë në fuqi, si dhe në përputhje të plotë me dispozitat e Aktit të Themelimit dhe të Statutit të saj, duke bërë edhe përshtatjen e tyre sipas ndryshimeve përkatëse.

4.2 Shoqëria gëzon personalitet juridik nga data e regjistrimit të saj në Regjistrin Tregtar. Shoqëria do të ketë vulën e saj.

**II.TE DREJTAT DHE DETYRAT E ORTAKUT**

**NENI 5**

5.1 Pasuritë e krijuara nga Shoqëria gjatë aktivitetit të saj janë në pronësi të Shoqërisë. Ato (pasuritë) mund të tjetërsohen, të jepen me qira, me miratimin e Asamblesë së Përgjithshme (Ortakut të vetëm)

**NENI 6**  
**Të drejtat dhe detyrimet e Ortakut të Vetëm**

6.1 Ortaku i Vetëm jep kontributin e tij në shoqëri në para apo në natyrë, sipas mënyrave dhe afateve të përcaktuara në statut, në të cilën është caktuar në mënyrë të detajuar kontributi dhe mënyra e afatit e derdhjes së tij



kontributi në këte shoqëri. Ortaku i Vetem përgjigjet ndaj shoqërisë personalisht dhe ne mënyrë solidare për dëmet e shkaktuara nga mospërbushja e këtyre detyrimeve apo nga përbushja e tyre përtej afateve përkatëse. Ortaku i Vetem mban përgjegjësi për humbjet e shoqërisë deri në pjesën e pashlyer të kontributeve të nënshkruara.

6.2 Personat përgjegjes për administrimin e shoqërisë informojnë Ortakun e Vetem për ecurinë e veprimtarisë së shoqërisë tregtare dhe, me kërkesën e tij, duhet t'i vihen në dispozicion llogaritë vjetore, përfshirë llogaritë e konsoliduara, raportet për gjendjen dhe ecurinë e veprimtarisë së shoqërisë tregtare, raportet e organeve drejtuese apo të eksperteve kontabel të autorizuar, si dhe çdo dokument tjetër të brendshëm të shoqërisë.

6.3 Personat përgjegjes për administrimin e shoqërisë informojnë Ortakun e Vetem për periudha një mujore dhe tremujore për ecurinë e shoqërisë, realizimin e objektivave mujore dhe tremujore, llogaritë, raportet për gjendjen dhe ecurinë e veprimtarisë së shoqërisë tregtare me partneret nenkontraktore, raportet e organeve drejtuese apo të eksperteve kontabel të autorizuar, si dhe çdo dokument tjetër të brendshëm të shoqërisë.

Gjatë ushtrimit të të drejtave, Ortaku i Vetëm vepron duke marrë parasysh interesat e shoqërisë. Ortaku i Vetëm respekton detyrimet që burojnë nga Akti i Themelimit dhe Statuti. Ai përpiqet për zhvillimin e aktivitetit të Shoqërisë sipas objektit të veprimtarisë së saj.

## **KUSHTET EKONOMIKE TË SHOQËRISË**

### **NENI 7**

7.1 Veprimtaria e funksionimit të Shoqërisë bazohet në kërkesat e ekonomisë së tregut. Veprimtaria ekonomike ndërtohet mbi parimet e llogarisë dhe pasqyrohet në bilancet e saj



## **NENI 8**

8.1 Kapitali i regjistruar i shoqerise eshte perbere nga kontributi ne para i Ortakut te Vetem ne vleren 10.000 (dhjete mije) leke.  
Ortaku i Vetem i Shoqerise, zoteron nje kuote me vlere 10.000 leke (dhjete mije leke), e cila perben 100 % te kapitalit te regjistruar te shoqerise. Kontributet qe përbëjnë 100% të kapitalit të regjistruar te shoqërisë janë shlyer tërësisht nga Ortaku i Vetëm.

Ortaku i Vetëm, në bazë të kërkesës së organit administrues, mund të sjellë para në shoqeri. Kjo derdhje parash mund te bëhet në formën e zmadhimit të kapitalit ashtu si dhe në formën e financimit të shoqërisë. Në rastin e financimit te shoqërisë nga Ortaku i Vetëm në formë huaje, nuk është e nevojshme të respektohet përpjesëtueshmëria mes shumës së derdhur në shoqëri dhe kuotave të kapitalit që Ortaku i Vetëm zotëron.

## **NENI 9 Pasuria e Shoqërisë**

9.1 Shoqeria behet pronare e pasurise se luajtshme e te paluajtshme kur vlera e pasurise mbulohet teresisht ne te holla.

## **NENI 10 Transferimi i kuotave**

10.1 Ortaku i Vetëm i Shoqerise ka të drejtën të transferojnë lirisht kuotën që zotërojnë në kapitalin e regjistruar të shoqërisë, kundrejt pagesës së një shume;

10.2 Ortaku i Vetëm i Shoqërisë ka të drejtë të heqë dorë nga Shoqëria dhe mund të shesë kuotën nëpërmjet nënshkrimit të kontratës së shitjes së kuotës, pa qenë nevoja e marrjes së një vendimi paraprak nga Ortaku i Vetëm i Shoqërisë në përputhje me kushtet që i lejon Statuti dhe Ligji. Heqja dorë nga shoqëria nuk e liron ate nga detyrimet që ka deri në momentin e heqjes dorë dhe nuk e cenon atë në marrjen e të ardhurave që Shoqëria ka siguruar deri në këtë moment.

10.3 Kuotat e kapitalit mund të transferohen në mënyrë të lirë përmes dhurimit apo cdo akti tjetër, falas.

## **NENI 11 Zmadhimi dhe zvogëlimi i kapitalit**

11.1 Kapitali i regjistruar i shoqerisë mund te zmadhohet ose të zvogëlohet nga Asambleja e Përgjithshme (Ortaku i Vetëm).



11.2 Zmadhimi i kapitalit mund të vendoset kur e kërkojnë interesat e Shoqërisë duke u vendosur rritja e vlerës së kuotes së Ortakut të Vetëm. Asambleja e Përgjithshme (Ortaku i Vetem) vendos për zvogelimin e kapitalit të Shoqërisë.

11.3 Zvogelimi i kapitalit nuk duhet të dëmtojë kreditorët dhe as të krijojë pasiguri tek ata që kanë dhënë kredi para publikimit të zvogëlimit të kapitalit. Në të kundërt, Gjykata e konsideron të pavlefshëm këtë vendim mbi kërkesën e kreditorëve.

## **NENI 12**

### **Fondet rezerve**

12.1 Shoqëria krijon fondin rezervë dhe fonde të tjera financimi për të përballuar nevojat e saj.

## **NENI 13**

### **Bilanci**

13.1 Pasuria e Shoqërisë vlerësohet në bilancet e saj në monedhe të vendit ose në monedhe të huaj sipas vlerësimit të Ortakut të Vetem ose eksperteve në momentin e Themelimit të Shoqërisë.

Bilanci vjetor paraqitet brenda datës 31 Mars, të vitit pasardhës. Forma e bilancit përcaktohet nga Administratori në harmoni me format e bilanceve të vendosura në Republikën e Shqipërisë.

## **NENI 14**

### **Plani Financiar**

14.1 Plani financiar parashikon aktivin e pasivin e aktivitetit ekonomik të Shoqërisë, të shprehur në leke ose valute të konvertueshme. Llogaria ekonomike do të mbahet në Shqipëri.

Shkembimi i monedhës shqiptare me atë të huaj dhe anasjelltas bëhet sipas kursit zyrtar ose privat të këmbimit.

## **NENI 15**

### **Shpërndarja e fitimit, kufizimi i shpërndarjes**

E ardhura neto që rezultojnë pasi zbriten shpenzimet e bera për kryerjen e çdo lloji aktiviteti nga zbritja e vlerës së amortizimit, nga tatimet dhe taksat, nga kuotat që rritin kredinë për investime, pagat dhe shpërblimet, përdoret nga Ortaku i Vetem, sipas qëllimeve të tij.

Ortaku i Vetem ka të drejtë të marrë pjesën e fitimit tipik deklaruar në pasqyrat financiare të shoqërisë..

Shoqëria mund të shpërndajë fitime, vetëm nëse pas pagimit të dividendit:



- a) aktivet e shoqërisë mbulojnë teresisht detyrimet e saj;
- b) shoqëria ka aktive likuide të mjaftueshme për të shlyer detyrimet që behen të kerkueshme brenda 12 muajve në vazhdim

## **ORGANET E SHOQËRISE**

### **NENI 16 Asambleja e Përgjithshme (Ortaku i Vetem )**

16.1 Organi themelor i shoqërisë është Asambleja e Përgjithshme. Asambleja e Përgjithshme merr vendime për:

- përcaktimin e politikave tregtare të shoqërisë;
- ndryshimet e statutit;
- emërimin e shkarkimin e administratorëve;
- emërimin e shkarkimin e likujduesve dhe të ekspertëve kontabël të autorizuar;
- përcaktimin e shpërblimeve për administratorët, likujduesit dhe ekspertët kontabël të Autorizuar;
- Mbikëqyrjen dhe zbatimin të politikave tregtare nga administratorët, përfshirë përgatitjen e
- Pasqyrave financiare mujore, tremujore e vjetore dhe të raporteve të ecurisë së veprimtarisë:
- përcakton tagret e përfaqësimit të administratorëve në kushtet e nënshkrimit të kontratave të bashkëpunimit me shoqëri apo individë, kontratave të sipërmarrjes apo të shitjes, si dhe miraton kontratat tip që do të nënshkruhen.
- Miratimin e pasqyrave financiare vjetore dhe të raporteve të ecurisë së veprimtarisë; zmadhimin dhe zvogëlimin e kapitalit;
- pjesëtimin e kuotave dhe anulimin e tyre;
- përfaqësimin e shoqërisë në gjykatë dhe në procedimet e tjera ndaj administratorëve;
- riorganizimin dhe prishjen e shoqërisë;
- miratimin e rregullave procedurale të mbledhjeve të asamblesë;
- çështje të tjera të parashikuara nga ligji,

### **NENI 17 Mbledhja e Asamblesë së Përgjithshme**

Asambleja e Përgjithshme mbledhet sa here që mbledhja është e nevojshme për të mbrojtur interesat e shoqërisë. Mbledhja e Asamblesë së Përgjithshme mbledhet të paktën një herë në vit. Asambleja e Përgjithshme thirret nga administratorët apo Ortaku i Vetem

Vendimet e marra nga Ortaku i Vetem, së bashku me procesverbalin e mbledhjes dhe aktet e tjera që i bashkëlidhen sipas këtij procesverbalit, regjistrohen në librin e shoqërisë



## **NENI 18**

### **Procesverbali i mbledhjes së Asamblesë**

18.1 Të gjitha vendimet e Asamblesë së Përgjithshme duhet te rregjistrohen ne procesverbal. Administratorët përgjigjen për ruajtjen e kopjeve të procesverbaleve të mbledhjeve të Asamblesë së Përgjithshme.

18.2 Procesverbali duhet të përbaje datën dhe vendin e mbledhjes, rendin e ditës, emrin e kryetarit e te mbajtësit të procesverbalit, rezultatet e votimit.

18.3 Procesverbalit i bashkëlidhet edhe lista e pjesëmarrësve, si edhe akti i thirrjes së Asamblesë së Përgjithshme.

18.4 Procesverbali i mbledhjes nënshkruhet nga kryetari dhe nga mbajtësi i procesverbalit.

## **ADMINISTRIMI I SHOQERISE**

### **NENI 19**

19.1 Asambleja e Përgjithshme emeron një ose më shumë persona fizikë ,si administratore te shoqërisë. Afati i emërimit, nuk mund të jetë më i gjatë se 5 vjet, me të drejtë ripërtëritjeje. Emërimi i administratorëve prodhon efekte pas regjistrimit në Qendrën Kombëtare të Biznesit. Statuti mund të vendosë rregulla të posaçme për emërimin e administratorëve.

Administratorët e një shoqërie tregtare mëmë, nuk mund të emërohen si administratorë të një shoqërie, të kontrolluar e anasjelltas.

19.2 Mund të emërohen si administratorë të shoqërisë edhe personat fizikë që nuk janë Ortakë.

19.3 Emërimi i Administratorëve bëhet me unanimitet nga Asambleja e Përgjithshme (Ortaku i Vetëm).

### **NENI 20**

#### **Të drejtat dhe detyrimet e administratorëve**

Administratorët kanë të drejtë e detyrohen të:

- kryejnë të gjith veprimet e administrimit të veprimtarisë tregtare të shoqërisë, duke zbatuar politikat tregtare, të vendosura nga Asambleja e Përgjithshme (Ortaku i Vetëm);
- përfaqësojnë shoqërinë tregtare;



- kujdesen per mbajtjen e saktë e të rrëgullt të dokumenteve dhe te librave kontabël të shoqërisë;
  - përgatisin dhe nënshkruajnë bilancin vjetor, bilancin e konsoliduar dhe raportin e ecurisë së vëprimtarisë dhe së bashku më propozimin per shperndarjen e fitimeve,i paraqesin këto dokumente përpara Asamblesë së Përgjithshme (Ortaku i Vetëm) për miratim;
  - krijojnë një sistem paralajmërimi në kohën e duhur për rrethanat, që kërcënojnë mbarëvajtjen e veprimtarisë dhe ekzistencën e shoqërisë;
  - kryejnë regjistrimet dhe dërgojnë të dhënat e detyrueshme të shoqërisë, sic parashikohet në ligjin 'Tër regjistrimin e biznesit';
  - raportojnë përpara Asamblesë së Përgjithshme (Ortaku i Vetëm) në lidhje me zbatimin e politikave tregtare dhe me realizimin e veprimeve te posacme me rëndësi ,të vecantë për veprimtarinë e shoqërisë tregtare;
  - të thërrasin Asamblenë e Përgjithshme (Ortaku i Vetëm) kur shoqëria brenda 2 viteve të para te regjistrimit të saj, propozon të blejë nga një ortak pasuri, që kane vlerë më të larte se 5 për qind të asetëve te shoqërisë, që rezulton në pasqyrat e fundit financiare të certifikuara dhe kur sipas bilancit vjetor apo raporteve të ndërmjetme financiare, rezulton ose ekziston rreziku që aktivet e shoqërisë nuk i mbulojnë detyrimet e kërkueshme brenda 3 muajve në vazhdim.
  - të bëjnë pagesa pa miratimin e Asamblesë se Përgjithshme (Ortaku i Vetëm)
  - te depozitoje e terheqe fonde nga llogarite bankare sipas nevojave te shoqerise
  - të bëjnë pagesat qe i detyrohet subjektit ndërtues dhe nënkontraktorëve, konform situacionit të punimeve të paraqitur e të miratuar nga eksperti kontabël.
  - të nënshkruajnë kontratat e sipërmarrjes, të bashkëpunimit apo paraprakë të shitjes per objektet që janë në ndërtim e sipër, sipas çmimeve paraprake të miratuara nga Ortaku i Vetëm për çdo komponent të ndërtimit të ri.
- 20.2 Perveç detyrave të treguara më lart për çdo veprim tjetër administratori/ët duhet të marrë më parë miratimin e Asamblesë së Përgjithshme (Ortaku i Vetem).

Nese Asambleja e Pergjithshme (ortaku i Vetem) emeron me shume se nje administrator, ata e administrojne bashkerisht shoqerine. Statuti ose rregulloret e tjera, te miratuara nga Asambleja e Pergjithshme (Ortaku i Vetem), mund te parashikojné ndryshe.

Asambleja e Përgjithshme,(Ortaku i Vetëm) mund të shkarkojë administratorin në çdo kohë.

Statuti apo marrëveshje të tjera nuk mund të përshtojné apo kufizojné këtë të drejtë. Paditë, që lidhen me shpërblimin e administratorit, në bazë të marrëdhënieve kontraktore me shoqërinë, rregullohen sipas dispozitave ligjore në fuqi.

## **NENI 21**

### **Shpërblimi i administratorëve**

Shpërblimet e administratorëve përcaktohen me vendim të Asamblesë së Pergjithshme (Ortaku i Vetëm).





Shpërblimi duhet të jetë i përshtatshëm dhe në përputhje me detyrat e administratorëve dhe gjendjen financiare të shoqërisë.

Nëse shoqëria është në vështirësi financiare, Asambleja e Përgjithshme (Ortaku i Vetëm)

mund të vendosë reduktimin e shpërblimit të administratorëve në masën e përshtatshme.

Kriteret e shpërblimit, shpërblimi individual dhe efekti vjetor i shpërblimit të administratorëve në strukturën e kostove të shoqërisë tregtare publikohen së bashku me pasqyrat financiare vjetore.

Administrator i Shoqërisë " MEA Technology" do të jetë Z.Enea Arapi.

## **NENI 22**

### **Ekspertët Kontabël**

22.1 Shoqëria cakton ekspert kontabel për çdo vit financiar kur jemi përpara rasteve të përcaktuara në ligj. Emerimin e tyre e ben Mbledhja e Asamblese së Përgjithshme (Ortaku i Vetëm).

Ekspertët kontabël mbajnë përgjegjësi për mbajtjen e rregullt të të gjithë dokumentacionit të

Shoqërisë. Ata përgjigjen për dëmet që i vijnë Shoqërisë nga mbajtja e parregullt e llogarive ose verifikimi i tyre i gabuar.

Nuk mund të ngarkohen me detyrën e ekspertit, themeluesi, administratori, personat që janë gjini e krushqi me ata deri në shkallën e katërt.

## **NENI 23**

### **Marredheniet e punes**

23.1 Marredheniet e punes në Shoqëri rregullohen sipas dispozitave të Aktit të Themelimit, Statutit dhe Legjislacionit Shqiptar të Punës.

Punësimi në Shoqëri realizohet me anë të kontratës individuale të punës midis Shoqërisë e të punësuarve. Marredheniet midis Shoqërisë e sindikates rregullohen nepermjet kontratës kolektive të punës.

## **NENI 24**

24.1 .Te punësuarit dhe punonjësit drejtues administrativ janë përgjegjës për dëmet që i shkaktojnë Shoqërisë për faj të tyre dhe përgjigjen para saj civilisht.



## **PRISHJA E SHOQËRISË. LIKUJDIMI**

### **NENI 25**

25.1 Kjo Shoqëri do të prishet në rast se:  
me vendimin të Asamblesë së Përgjithshme (Ortaku i Vetëm):  
me hapjen e procedurave të falimentimit;  
nëse nuk ka kryer veprimtari tregtare përnuk është njoftuar pezullimi i  
veprimtarisë në përputhje me pikën 3 të nenit 43 të ligjit nr.9723, datë 3.5.2007 "Për  
regjistrimin e biznesit",  
i ndryshuar;  
me vendim të gjykatës;  
për arsye të tjera, të parashikuara në statut;  
Prishja e shoqërisë regjistrohet në Regjistr i Tregtar pranë Qendrës Kombëtare të Bizn-  
nga administratorët.

### **NENI 26**

#### **Likuidimi i shoqërisë**

26.1 Prishja e shoqërive tregtare ka si pasoje hapjen e procedurave të  
likuidimit në gjendjen e aftësisë paguese, me përjashtim të rasteve kur është  
nisur një procedurë falimentimi. Likuidimi kryhet nga likuiduesit e emëruar nga  
Asambleja e Përgjithshme.

Nëse Asambleja e Përgjithshme (Ortaku i vetëm) likuiduesve, brenda 30 ditëve pas pri-  
një likuidues.

## **DISPOZITA TË FUNDIT**

### **NENI 27**

27.1 Ky Statut hyn në fuqi pas miratimit dhe regjistrimit të Shoqërisë në  
regjistrin tregtar pranë Qendrës Kombëtare të Biznesit.



## **NENI 28**

28.1 Gjithcka nuk eshte parashikuar shprehimisht në këtë Statut do te disiplinohet sipas legjislacioni tregtar dhe ligjeve te tjera të lidhura me te , ne fuqi ne Republikën e Shqipërisë.

## **NENI 29**

29.1 Ky Statut perpilohet në 5(pese) kopje në gjuhën shqipe, dhe u nënshkrua pa verejtje nga ortaku themelues.

## **ORTAKU THEMELUES**

—  
Enea Arapi 